

ODLUKU

O DODJELI U ZAKUP POSLOVNIH PROSTORIJA OPĆINE CENTAR SARAJEVO U ULICI BRANILACA SARAJEVA 23

Član 1.

Na osnovu rezultata provedenog postupka javnog oglašavanja, dodjeljuju se u zakup na 5 (pet) godina poslovne prostorije u ulici Branilaca Sarajeva 23, površine 24 m², Maksumić Samiru iz Sarajeva za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine Centar Sarajevo ("Službene novine Kantona Sarajevo", broj 38/07) sa ponudnim iznosom zakupnine od 27,00 KM po m².

Član 2.

Korisniku iz člana 1. Odluke poslovne prostorije se dodjeljuju u zakup pod uslovom izmirenja dospjelih dugovanja po osnovu neizmirene zakupnine dosadašnjeg zakupca u iznosu od 43.715,00 KM.

Dug iz prethodnog stava korisnik je dužan izmiriti kako slijedi:

- 50% duga u iznosu od 21.857,50 KM sa pripadajućim zateznim kamatama i troškovima sudskog postupka prije zaključenja ugovora o zakupu poslovnih prostorija,
- ostatak duga u iznosu od 21.857,50 KM u 60 jednakih mjesečnih rata uz redovno plaćanje mjesečne zakupnine za ugovoreni period zakupa.

Član 3.

Na osnovu Odluke, općinski načelnik će, sa korisnikom iz člana 1. Odluke, zaključiti ugovor o zakupu poslovnih prostorija.

Ugovor iz prethodnog stava zaključit će se nakon ispunjenja obaveze iz člana 2. stav 2. alineja 1. Odluke.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a

naknadno će se objaviti u "Službenim novinama Kantona Sarajevo".

Broj 01-49-2798/09
5. novembra 2009. godine
Sarajevo

Predsjedavajuća
Općinskog vijeća
Lidija Korać, s. r.

Ova Odluka je objavljena na oglasnoj ploči Općine Centar Sarajevo 11. 11. 2009. godine.

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05), člana 10. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Jedanaestoj redovnoj sjednici održanoj 5. novembra 2009. godine, donijelo

ODLUKU

O STAVLJANJU VAN SNAGE ODLUKE O PRISTUPANJU IZRADI URBANISTIČKOG PROJEKTA "KEMAL-BEGOVA-SUTJESKA"

Član 1.

Stavlja se van snage Odluka o pristupanju izradi Urbanističkog projekta "Kemal-begova-Sutjeska" ("Službene novine Kantona Sarajevo", broj 16/03).

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-7048/09
5. novembra 2009. godine
Sarajevo

Predsjedavajuća
Općinskog vijeća
Lidija Korać, s. r.

Ova Odluka je objavljena na oglasnoj ploči Općine Centar Sarajevo 11. 11. 2009. godine.

OPĆINA NOVO SARAJEVO

Komisija za statut i propise

Na osnovu člana 32. stav 1. tačka 1. Statuta Općine Novo Sarajevo ("Službene novine Kantona Sarajevo", broj 12/06) - Prečišćeni tekst, 14/08 i 25/08), člana 50. stav 1. alineja 10. i člana 157. Poslovnika Općinskog vijeća Novo Sarajevo - Prečišćeni tekst ("Službene novine Kantona Sarajevo", broj 12/06), Komisija za statut i propise Općinskog vijeća Novo Sarajevo, na 30. sjednici održanoj 2. novembra 2009. godine, utvrdila je Prečišćeni tekst Odluke o prekršajima protiv javnog reda i mira.

ODLUKA

O PREKRŠAJIMA PROTIV JAVNOG REDA I MIRA (Prečišćeni tekst)

I. OPĆE ODREDBE

Član 1.

Odlukom o prekršajima protiv javnog reda i mira (u daljnjem tekstu: Odluka) utvrđuju se prekršaji protiv javnog reda i mira na području općine Novo Sarajevo (u daljnjem tekstu: Općina) i prekršajne sankcije koje se izriču počiniocima prekršaja, a koji nisu propisani Zakonom o prekršajima protiv javnog reda i mira.

Član 2.

Prekršaji protiv javnog reda i mira, u smislu odredaba ove Odluke, su djela kojima se na nedozvoljen način remeti mir, rad i normalan način života građana, stvara neraspoloženje,

uznemirenost ili ometa kretanje građana na ulicama i drugim javnim mjestima, ili se na drugi način narušava javni red i mir građana utvrđen ovom Odlukom.

Član 3.

Za prekršaje protiv javnog reda, u skladu sa ovom Odlukom, može se izreći novčana kazna.

Član 4.

Pojedini izrazi upotrijebljeni u ovoj Odluci imaju slijedeće značenje:

- a) "Javno mjesto" u smislu odredaba ove Odluke je javno mjesto definisano članom 5. Zakona o prekršajima protiv javnog reda i mira ("Službene novine Kantona Sarajevo", broj 18/07) i
- b) "Vraćanje" je korištenje lakovjernosti osobe, najčešće proricanjem sudbine, odnosno budućnosti koje se odvija za novac ili drugu protuuslugu.

II. PREKRŠAJI PROTIV JAVNOG REDA I MIRA I PREKRŠAJNE SANKCIJE

Član 5.

- (1) Novčanom kaznom od 100,00 KM kaznit će se za prekršaj:
 - a) ko uznemirava stanare upotrebom telefona, zvonceta ili interfona ili kucanjem na vrata stana bez potrebe, kao i radi prodaje robe, gatanja ili proricanja sudbine ili pružanja usluga koje nisu ugovorene ili naručene,